



ISLAMSKA ZAJEDNICA BOŠNJAKA U ŠVEDSKOJ

# ČLANARINA ISLAMSKOJ ZAJEDNICI PREKO POREZA

VAŠA INVESTICIJA U NAŠU ZAJEDNIČKU BUDUĆNOST

## Bismillahirrahmanirrahim

“O vjernici, ako Allaha pomognete, i on će vama pomoći i korake vaše učvrstiti.”! (*Muhammed 7*)

## ODLUKA O NOVOM NAČINU PLAĆANJA ČLANARINE

Na vanrednoj Skupštini Islamske zajednice Bošnjaka u Švedskoj, održanoj 18. oktobra 2008. godine, donesena je odluka da se od švedskih vlasti zatraži dozvola za naplaćivanje članarine putem poreza. Za prelazak na ovakav način ubiranja članarine Vlada Švedske postavila je veliki broj uslova, tako da je naša Zajednica, morala izvršiti niz radnji, kako bi se ti uslovi ispunili. Po ispunjavanju postavljenih uslova, nadležno ministarstvo je 3. novembra 2011. godine donijelo odluku da se našoj Zajednici odobri naplaćivanje članarine putem poreza. Ovim je naša Zajednica postala prva islamska zajednica u Švedskoj koja je uspjela ući u ovakav sistem naplaćivanja članarine. Od ranije, pravo na naplaćivanje članarine putem poreza, pored Švedske crkve, ostvarilo je još devet drugih crkvenih zajednica. Članarina u Švedskoj crkvi razlikuje se od komune do komune, dok kod svih drugih članovi plaćaju 1% od ukupnih primanja.

## ZAŠTO ČLANARINA PUTEM POREZA?

Udio države u finansiranju vjerskih zajednica, posebno nakon 2000. godine, kada je Švedska crkva odvojena od državnog finansiranja, prilično je zanemariv. Ekonomska osnova na kojoj se zasniva rad džemata, a i Zajednice, je članarina i dobrovoljni prilozi članova. Danas je članarina različita od džemata do džemata i određuje je Skupština svakog džemata na lokalnom nivou. Džemati se još uvijek ne mogu u potpunosti finansirati od članarine, tako da ostatak neophodnih sredstava pribavljaju drugim načinima ili kroz projekte. Finansijska situacija je iz godine u godinu uglavnom teška i neizvjesna, tako da je teško praviti neke dugoročnije planove. Jedan od glavnih razloga ulaska u sistem naplate članarine putem poreza jeste upravo sticanje osnove za dugoročnije planiranje i kvalitetniji rad Zajednice.

# VISINA ČLANARINE I OSNOVA ZA OBRAČUN ČLANARINE

Odlukom, gore navedene Skupštine, članarina je jedinstvena i to 0,7 % od bruto plate, a-kasse, primanja za bolovanje i penzije.

Preliminarno, to bi izgledalo ovako:

| <b>Dohodak</b>                       | <b>Godišnja članarina</b> | <b>Mjesečna članarina</b> |
|--------------------------------------|---------------------------|---------------------------|
| Bruto godišnji prihod od 100.000 SEK | 490 SEK                   | 41 SEK                    |
| Bruto godišnji prihod od 200.000 SEK | 1200 SEK                  | 100 SEK                   |
| Bruto godišnji prihod od 300.000 SEK | 2000 SEK                  | 167 SEK                   |

Na visinu članarine utiču odbici (odbitak za putovanje na posao „resor till och från arbetet“, službena putovanja „tjänsteresor“, itd.) koji su različiti za svakog pojedinca, te je nemoguće izračunati tačnu visinu članarine koja važi za svakog pojedinca. Tačnu visinu članarine koju ćete plaćati možete izračunati putem interneta na adresi:

<http://www.skatteverket.se/webdav/files/servicetjanster/skatteutrakning2011/prelskut1link1.html>

Za samostalne privrednike (enskild firma i HB delägare) osnova za obračun članarine je osnova za oporezivanje prilikom godišnjeg oporezivanja. Kad su u pitanju penzioneri, koji nisu penzioneri na osnovu rada u Švedskoj, već dobijaju, tzv., folkpension, osnova za oporezivanje kod njih je sasvim drugačija i manja je od iznosa koji oni dobijaju mjesečno. Dio njihovih primanja sastoji se od dotacija koje se ne oporezuju kao što je, npr., dotacija za stan (bostadsbidrag).



# ČLANSTVO

## 4.1. Članstvo u Zajednici i administriranje članarine

Odluka Skupštine o visini članarine i načinu plaćanja je obavezujuća za sve članove Zajednice. Prikupljanje članarine administrirat će se centralno, a Zajednica je obavezna, u skladu sa švedskim zakonom o zaštiti ličnih podataka (PUL -personuppgiftslagen), obezbijediti uslove i čuvati lične podatke na način kako taj zakon i propisuje.

## 4.2. Od kada na snagu stupa nova članarina?

Nova članarina i novi način plaćanja počinje se primjenjivati od 1. januara 2013. godine.

## 4.3. Kako se pristupa u članstvo?

Članstvo je dobrovoljno i članom se postaje ispunjavanjem pristupnice, odnosno davanjem saglasnosti za plaćanje članarine putem poreza. Pristupnicu (saglasnost) može potpisati svaki punoljetni musliman i muslimanka koji prihvata Statut Zajednice i Statut svog lokalnog Džemata. Članom se postaje sa danom potpisivanja pristupnice. Članarina se počinje naplaćivati od naredne godine, ukoliko je pristupnica potpisana do 31. oktobra tekuće godine. Ukoliko se pristupnica potpiše poslije 31. oktobra, članarina se počinje naplaćivati tek za dvije godine. Naprimjer, ukoliko bi neko potpisao pristupnicu 1. juna 2012. godine, članarina mu se počinje naplaćivati od 1. januara 2013. godine. Međutim, ukoliko bi neko potpisao pristupnicu 1. novembra 2012. godine, članarina mu se počinje naplaćivati od 1. januara 2014.

## 4.4. Saglasnost

Uslov da bi se članarina mogla naplaćivati putem poreza je davanje pismene saglasnosti o tome na propisanom obrascu. To znači da i svi sadašnji članovi Zajednice trebaju dati svoju saglasnost prije nego što uđu u sistem naplaćivanja članarine putem poreza. Zajednica će, po primanja saglasnosti, poslati potvrdu svakom potpisniku saglasnosti sa svim bitnijim informacijama, kako bi se izbjegli eventualni nesporazumi i pogreške. Na ovaj način svaki potpisnik će biti u mogućnosti intervenirati, ukoliko uoči određene nepravilnosti.

#### **4.5. Na koga se odnosi članstvo?**

Članstvo u Zajednici je pojedinačno. Svi punoljetni članovi domaćinstva, koji žele biti članovi Zajednice, i na taj način koristiti privilegije članstva, te davati svoj doprinos Zajednici, u članjuju se u Zajednicu ispunjavanjem pristupnice.

#### **4.6. Koliko dugo važi članstvo?**

Saglasnost se ne traži za svaku godinu već teče do daljnjeg. To znači da, ko jednom pristane na plaćanje članarine putem poreza, automatski će plaćati članarinu svake naredne godine, bez ponovnog potpisivanja saglasnosti.

#### **4.7. Istupanje iz članstva**

Osoba koja ne želi produžiti svoje članstvo u Zajednici obavezna je podnijeti pismeni zahtjev za prekid članstva, odnosno potpisati istupnicu. Članarina se prestaje naplaćivati od naredne godine, ukoliko je istupnica potpisana do 31. oktobra tekuće godine. Ukoliko se istupnica potpise poslije 31. oktobra, članarina se prestaje naplaćivati tek za dvije godine.

#### **4.8. Promjena prebivališta**

Prilikom promjene mjesta prebivališta, član o tome pisemno obavještava Zajednicu. Zajednica poslije toga preusmjerava članarinu dotičnog člana u džemat novog prebivališta.

#### **4.9. Članarina i poreska tabela (A-skattesedel)**

Prihodi svake osobe se oporezuju važećom poreskom stopom u općini u kojoj osoba ima stalno mjesto boravka. Na tu stopu se dodaje procenat članarine koji se plaća Zajednici.

#### **4.10. Osobe koje nemaju prihoda koji se oporezuju**

Članovi koji nemaju prihoda za oporezivanje će plaćati paušalnu članarinu prema odluci Skupštine Zajednice. Osobe koje rade u drugim državama i čiji prihodi se ne oporezuju u Švedskoj plaćat će članarinu u iznosu od 0,7 % od svojih prihoda za prethodnu godinu.

#### **4.11. Šta, ako se članarina naplaćuje greškom?**

Ukoliko se ustanovi da neko plaća članarinu, a da za to nije dao svoju saglasnost, obratit će se Zajednici. Ukoliko se ustanovi greška od strane Zajednice, obustavljena sredstva će se povratiti dotičnoj osobi.

## **RASPODJELA SREDSTAVA ČLANARINE**

Članarina se prikuplja i administrira centralno. Prikupljena sredstva se vraćaju džematima, umanjena za administrativne troškove Zajednice prema odluci Skupštine.

[www.izb.se](http://www.izb.se)

A word cloud of Swedish cities and regions. The words are arranged in various orientations and sizes. The most prominent words are 'Vetlanda', 'Örebro', 'Jönköping', 'Göteborg', 'Stockholm', 'Västerås', 'Värnamo', 'Halmstad', 'Kalmar', 'Gislaved', 'Linköping', 'Karlskoga', 'Landskrona', 'Skövde', 'Varberg', 'Motala', 'Trollhättan', 'Växjö', 'Oskarshamn', 'Malmö', and 'Surte'. The word 'Surte' is oriented vertically on the right side. The word 'Vetlanda' is the largest and most central. Other large words include 'Örebro', 'Jönköping', 'Göteborg', 'Stockholm', 'Västerås', 'Värnamo', 'Halmstad', 'Kalmar', 'Gislaved', 'Linköping', 'Karlskoga', 'Landskrona', 'Skövde', 'Varberg', 'Motala', 'Trollhättan', 'Växjö', 'Oskarshamn', 'Malmö', and 'Surte'.





**ISLAMSKA ZAJEDNICA BOŠNJAKA U ŠVEDSKOJ**

**Adresa: Slättervägen 44, 461 61 Trollhättan**

**T: 0520 49 90 64 M: 076 310 24 47 E: kontakt@izb.se**

**www.izb.se**